




3 2044 107 267 064

Tar
H67.5





OBSERVATIONES BOTANICAE

AVCTORE

GEORG. FRANC. HOFFMANN

M. D.



ERLANGAE

APVD IOANNEN IACOBVM PALM

1787.

Nov. 1909.

21138



P R A E F A T I O.

Observationes, quas pro licentia artem medicam docendi eruditis in re herbaria propono, eo minus inutiles fore putavi, quia non ex multarum specierum notitia solum, sed ex earum certa ac follicita observatione, praesertim indigenarum ac ubivis fere provenientium plantarum, incrementum indeque ad vitam hominum maximopere sublevandam, utilitatem *) capiat Botanices studium. Siquidem pauci occasionem exoticas colligendi plantas nanciscantur, pauciores hortos botanicos, plantarum exterarum hybernacula intrare possunt; nemini autem cui oblectamento est notitia herbarum, non opportunitas loci cuiusvis praebet occasionem, incultas et sylvestres carpendi plantas, examen earum ad aliorum datas de-

A 2

*) *Seb. Iust. Brugmans oratio de' accuratiōi plantarum indigenarum notitia maxime commendanda.* Lugduni batavorum 1787.
4. ap. S. Luchtmans.

scriptiones retractandi. Est enim non injucundum novi quid in planta observasse vel aliorum imperfectis de ea descriptionibus aliquid addidisse. Etiam si centies descripta fuerit, et paene explorata, tamen fatebimur eam varie ab aliis divergere vel singulare quid ostendere posse. Plantarum exactiorem notitiam non parum etiam adjuvari, si omnes minutus potissimum, quae fructificationis negotium spectant partes, ad vivani et recentem plantam describantur non solum, sed quoque delineentur, ipse comprobare ausim. Mihi enim semper moris est recentem plantam ad Linnaeana genera et aliorum praestantiorum Botanicorum scripta examinare et disjunctas minores ejus partes penicillo adumbrare, sicque characteres quibus superstructum est systema Linnaeanum pictos, omnibus descriptionibus longe praeferendos, et mihi, et imposterum forsan in Botanophilorum usum comparare.

Supereft ut hoc moneam me hisce obser-vatiunculis in fine novam Salicis speciem addidisse, novosque Lichenes aliquos, numero quo-tidie magis increscentes.

1. **CALLITRICHE** *dubia*, foliis superioribus ovalibus,
caulinis linearibus apice bifidis.

Stellaria foliis imis linearibus, supremis subrotundis.
HALL, *bif*, n, 554. LEERS, *herb*, n, 2. (Callitricha
verna, var, β.) Stellaria intermedia WIGGERS pri-
mit, 4.

Obs. In hac ut in Call. verna flores superiores masculi, in-
feriores feminei; filamentum brevius; petala angustiora
et acutiora quam in illa; locus crescendi similis.

2. **VERONICA** *Serpillifolia*.

Obs. Caules procumbentes, florentes erecti, basi saltem ra-
mosi. Folia subcrenata. Bracteae inferiores racemi sub-
crenulatae, superiores integerrimae. Calyx subaequalis
glaber. Corollae exiguae, infima lacinia angustissima al-
ba, superior caerulea, laterales pallidiores. Semina nu-
merosa umbilicata ut in *V. bederifolia*, sed triplo minora.

3. **VERONICA** *Anagallis aquatica*.

Obs. Calycis foliola angustissima, aequalia, apicibus demum
reflexa. Capsula obovata, vel obcordata. Semina minuta
umbilicata.

4. VERONICA agrestis.

Obs. Calycis foliola si floret inaequalia basi hirsuta. Capsula pulvere nigricante deusto non raro repleta invenitur.

5. GYPSOPHILA muralis.

Obs. Petala inaequaliter crenulata, carnosa. Capsula ovata 4 - (non 5-) valvis. Receptaculum columnare pilosum.

6. SAPONARIA officinalis.

Obs. Nectaria intra ungues petalorum calyce longiores, locata, earumque longitudine, apice in duo cornicula quasi fissa. Capsula cylindraceo-ventricosa, basi cincta denticulis 5, apice quinquefariam dehiscens. Receptaculum pentagonum, apice subbifidum. Antherae saepius sphacelosae.

7. DIANTHVS prolifer.

Obs. Squama inferior ovato-mucronata calyce triplo minor, reliquae duae longitudine calycis. Petala obcordata emarginata. Stigmata filiformia patentia. In *D. carthusianorum* petala anterius latiora truncata irregulariter ferrata. Stigmata apice recurva. In *D. Armeria* petala subrhomboidea minora ferrata. Stigmata erecta. In *D. deltoideo* petala majora ferrata. Stigmata flexuosa.

8. CVCVBALVS Beben.

Obs. Ungues petalorum canaliculati, laminam versus latiores, apicibus lateralibus productis, obtusis, erectis. Capsu-

la saepius sexfariam apice dehiscens. Semina reniformia.

9. CERASTIVM vulgatum.

Obs. Capsula calyce semitecta, apice 10-valvis dehiscens.

Petala longitudine calycis $\frac{1}{3}$ bifida. In CER. aquat. Capsula 5-valvis dehiscens: valvis apice bifidis reflexis.

10. LYCHNIS Flos cuculi.

Obs. Petala 4 fida; laciniae inferiores vel laterales minores divaricatae. Faux tubi denticulis duobus erectis apice inaequaliter bifidis in singulo petalo coronata. Styli breviores staminibus. Capsula unilocularis 5-valvis.

11. LYTHRVM Salicaria.

Obs. Planta non raro caule hexaëdro tribus foliis, et octaëdro quatuor foliis cincto occurrit. Flores in spica interrupta congesti, superiores spiraliter adscendentes. Stamina 6 frequenter calyce longiora, ejusque parieti adnata; 6 alia calyci breviora altius inserta. Calycis tubus in 6 lacinias coloratas breves divisus, quibus externe longiores tenuioresque denticuli incurvi adstant. Capsula bivalvis, longitudinaliter dehiscens.

12. SEMPERVIVVM testorum.

Obs. Petala lanceolata serrulata, carina hirsuta. Filamentum unicum prope basin petali singuli adfixum. Germini singulo basi adnascitur squama nectarifera, oblique assurgens gibba, rhomboidea, saepe germinis figuræ similis, cras-

fuscula apice acuta, basin versus in pedunculum desinens; dissecta bilocularis; persistens. Capsulae maturae expanse stellariformes. Numerus petalorum, staminum, germinum et nectariorum numerum duodenarium saepius ad 18. excedit, rarius minor.

13. PAPAVER Argemone.

Obs. Petala oblonga subcuneiformia, apice subtilissime serrulata. Filamenta sub antheris latiora. Capsula 5 - angularis pilis rarissimis, flexuosis, albidis obsita, semi - 5 - locularis. Stigma acutiusculum 5 - radiatum.

14. PAPAVER Rhoesas.

Obs. Caulis et pedunculi pilis patentibus conspersi. Calyx clausus ovatus, obtusus. Stigma 10 - 15 - radiatum.

15. PAPAVER dubium.

Obs. A praecedenti dignoscitur: pilis cauli adpresso, basin versus patentibus; capsula semi 10 - locularis, totidem radiis stigmatis; calyce clauso, ovato - oblongo.

16. RANUNCULVS arvensis.

Obs. Squama nectarifera obcordata emarginata. Semina aculeata 6 - 8 in orbem posita. In RANUNCULO Ficaria squama nectarif. margine trifida. In RAN. auric. squama nectarif. obverse pyramidalis. In RAN. bulb. squama nectarif. plana obcordata, anterius latiuscula. In RAN. rep. squama nectarif. angustior quam in priori, convexa, altero latere leniter excavata. In RAN. acri squama ne-

starif. oblonga truncata anterius latiuscula. In RAN. Flam. squama nectarif. brevissima unguis in utroque latere adnata in medio cavam bursulam efformans. In RAN. bed. et aquatili unguis petalorum nectarifero poro subulato perforato notati.

17. AIVGA Chamaepitys. SCHREB. Pl, vert, unil, p, 23.

Obs. Calycis labium superius trisidum, denticulo intermedio duplo minore, inferius bisidum, lateralibus paulo brevius. Corollae labium superius incisum, calyce brevius; laterales laciniae longitudine calycis, obtusae, convexae; intermedia calyce duplo longior, cordato-emarginata. Stamina fere longitudine lateralium laciniarum. Tubus subventricosus.

18. ANTIRRHINUM Elatine.

Obs. Stigma crassiusculum obliquum, stylum versus angustatum. Capsula subrotunda, utrinque lamellam depo- nens, media basi persistente. Semina obovata scabra.

19. ANTIRRHINUM minus.

Obs. Calycis laciniae tres superiores sursum reflexae inferiores duas dimidio fere breviore erectae. Nectarium cornu brevissimum obtusum. Capsula apice 6-valvis delicens. Semina obovata striata scabra.

20. ANTIRRHINUM Orontium.

Obs. Capsula basi inaequalis, stylo saepius persistente figura fingit cranium Canis, Simiae vel Vituli referens, pro

in diversa autorum imaginationis vigore; apice oblique aequaliter hiscens 6 - valvis. Semina hinc plana inde subconvexa, per marginem denticulato excavatae.

21. PEDICULARIS palustris.

Obs. Calyx bilabiatus excrecentiis foliaceis crispis, cristatus. Tubus corollae sub labio inferiore semicontortus; galea labii superioris margine binis rostellis, vel setaceis denticulis instructa. Lacinia intermedia labii inf. profunde divisa et veluti pedicellata; pedicello per guttulas tubi deorsum ducto. Semina proprio receptaculo hilum in feminibus relinquens dissepimento affixa.

22. PEDICULARIS sylvatica.

Obs. Caules plures vix ramosi. Calyx 5-dentatus ventricosus inaequalis, incisura insinuata profundior, denticulis 4 cristatus, 5to minimo saepius deficiente. Filamenta sub annulariis pilis purpureis villosa.

23. LVNARIA rediviva.

Obs. Calycis foliola duo intermedia convexo-plana, prope apicem brevissima mucrone terminata, lateralia basi sacata, superius sensim in acutum apicem producta, sub quo denticulo notantur. Filamenta duo lateralia reliquis duplo breviora, basi glandulis nectariferis instructa. Stigma linea tenui incisum.

24. THLASPI *campestris.*

Obs. Silicula ovata hinc gibba inde apice excavata marginata. Semina duo carinata, apici dissepimenti filo affixa. In THL. arv. silicula utrinque convexa alata cordato-ovata. Semina 5-6 in uno loculamento, filo adnexa.

25. RAPHANVS *Raphanistrum.*

Obs. Siliquae articulatae, discedentes in articulis, singulo monospermo. Saepius uno tantum constat articulo siliqua, apice in acumen subulatum producto. Semen filo affixum. Calyx pilis raris hispidus.

26. SINAPIS *arvensis.*

Obs. Calycis foliola sub apice seta brevi aristata. Siliqua 6-angularis non raro fetis adspersa. Dissepimentum apice in rostrum tetragonum compressum productum.

27. ERYSIMVM *officinale.*

Obs. Siliquae breves, apice sensim angustiores, tetrangularis subhirsutae, cauli adpressae, brevissime pedunculatae. Semina angulosa minima, dissepimenti futuris alternatim affixa. In Erys. Barb. siliquae lineares 4-gonae. Semina apice aucta hilo, dissepimenti futuris affixa. Glandulae 4. duae basi filamentorum breviorum duplicatae. In Erys. Alliac. siliqua longissima, subcorioloa lineis 4 (duae dissepimenti duae carinarum commissuram spectant) exacte tetraedra. Semina oblonga superius et inferius oblique truncata.

28. CARDAMINE *amara*.

Obs. Corolla erecto-patens alba, saepius purpurascens; petalorum unguis (ut in *C. prat.*) inferius latiores, saepe utroque latere dente seu membranula aucti.

29. FUMARIA *officinalis*.

Obs. Calycis foliola apice patentia ciliata. Stylus longus. Silicula obovata, cum acumine obsoleto, bivalvis. Semen unum, rarius duo.

30. POLYGALA *vulgaris*.

Obs. Appendices carinae infundibuliformes in 6 plerumque lacinias linearis usque ad medium fissae.

31. SCORZONERA *humilis*.

Obs. Semen hinc planiusculum inde convexum striatum. Pappi setae 5 reliquis longiores, apicibus nudis.

32. ONOPORDVM *Acanthium*.

Obs. Semina obovata, nervis aliquot eminentibus instructa. Pappus capillaris secundus. Receptaculum singuli seminis 4-gonum 8-dentatum: dentibus intermediis minoribus.

33. CNICVS *oleraceus*.

Obs. Squamae exteriores calycis pinnatisidae spinosae, interiores integerrimae, lanceolatae. Corollulae longissimae; tubus tenuis; limbi incisura tertia reliquis duabus profundi. Stigma oculis nudis conspectum integerrimum,

lenti subiectum, bifidum adparet, unaque lacinia alteri subimposita, eamque tegens et arcite adpressa. Filamenta pilosa; appendices minimae bisidae.

34. ARCTIVM *Lappa*.

Obs. Palea unica semen singulum basi vestiens, in 8-10 lacinias fissa.

35. SERRATVLA *tinctoria*.

Obs. Calycis squamae muticae. Pappus pilosus. In SERRATVLA *aruensi* squamae calycis apice mucronatae, interiores lineares; pappus plumosus; receptaculum pilosum.

36. TANACEVM *vulgare*.

Obs. Corollulae radii constanter (si adsinit) trifidae. Semina sulcata, apice membrana denticulata coronata. Squamae calycis superiores apice membranaceae.

37. BELLIS *perennis*.

Obs. Corollulae hermaphroditae tubo brevissimo, limbo ventricoso, inferne piloso instructae. Stigma bifido emarginatum.

38. MATRICARIA *Partenium*.

Obs. Radius disco brevior. Semina coroll. hermaphr. 5-angulata, femineae 4 angularia, sulcata.

39. MATRICARIA *Chamomilla*.

Obs. Radius patens, anthesi peracta deflexus. Coroll. hermaphr. tubus basi ventricosus, 5 sulcatus.

40. CHRYSANTHEMUM *Leucanthemum*.

Obs. Calyx fere planus. Corollulae radii longissimae. Semina subcylindrica sulcata, margine obtuso subcrenulato. In CHR. inod. coroll. herm. tubus medio contractus. Semina 4 gona, 4 dentata. In CHR. seget. pedunculi infra calycem incrassati. Calycis marginales squamae membrana scariosa auctae. Sem. cor. herm. 8 angulare sulcatum, gibberibus apice prominulis, absque alia corona; fem. fere triangulare: angulis duobus latioribus prominentibus.

41. ANTHEMIS *tinctoria*.

Obs. Sem. coroll. herm. tetragona, apice submarginata. Paleae lanceolato-acuminatae. Calycis squamae marginales apice membranaceae, ciliatae.

42. CENTAUREA *Cyanus*.

Obs. Squamae calycinæ ciliato-ferratae, interiores lineares integræ, apice multifidae. In CENT. Scab. squamae exteriores triangulares in margine, interiores lineares apice membrana auctæ ciliataeque. In CENT. Iac. calycis squamae membrana auctæ convexae scariosæ, subbisidae, lacerae fuscae; stigma bifidum connivens. Semen in

prima specie 4 angulare, sterile nudum, in altera pappo brevi piloso, in tertia setis brevissimis, mox deciduis instructum.

43. *FRAXINUS excelsior.*

Obs. Occurrit sterilis floribus omnibus masculinis, nec unico quidem hermaphrodito flore. 2) Aliae juniores arbores gerunt flores plane hermaphrod. 3) Aliae illis prioribus vicinae saepius flores ostendunt in singulo racemo terminales hermaphrod., laterales sunt. masculini. Flores femineos absque hermaphr. vel masculinis observare non potui. Bracteae duae ad basim racemi hermaphr. florum 2 - 4. parvae, apice saepius 5 fidae.

44. *SALIX villosa*, foliis subrotundis integris, subtus villosis.

H. in Suecia.

Obs. Rami glabri nodosi 3 unciales. Folia subrotunda integra, apice obtusa, superius glabra reticulato-rugosa, crassa, subtus villis longis albis nitendibus penitus tecta, pedunculum cingunt; petiolata: petiolo etiam villoso. Amenta mascula semuncialia teretia; pedunculo ejusdem longitudinis villoso insident; squamæ villosæ aegrè ob crassitatem villorum distinguendæ, oblongæ, obtusæ; Filamenta filiformia reclinata, antheræ parvae luteæ. Sub nomine *Sal. lanatae* Cel. *Ehrhart* accepit ab ill-

Thunbergio. Nova et elegans species inter alpinas Salices.
Feminam adhuc desidero.

45. LEPRA antiquitatis. *Enum, Lich, 1.*

Obs. Scutellae minutae nigerrimae aegre a crusta pulverulenta distinguendae, margine cinguntur concolore. Sed rarius occurunt.

46. LEPRA mixta, pulverulenta nigra, tuberculis nitidis cinereis.

H. in *rupibus.*

Obs. Crusta nigerrima pulverulenta, tubercula irregularia nitida; per lentem etiam minima scutellae nigrae iis immixtae observantur.

47. VÉCRVRARIA cinereo-atra, leprosa cinerea tuberculis atris.

H. in *rupibus calcareis.*

Obs. crusta leprosa granulosa cinerea etiam cervina; tubercula variae magnitudinis nigra planiuscula, per lentem scutellis L. sanguin. similia, a quo crusta crassiori scutellisque in hac immersis distinguitur.

48. VERRUCARIA albo-marginata, leprosa ex albido cinerea, tuberculis nigris albo-marginatis.

H. in *rupibus cum priori.*

Obs. Crusta albescens in cinereum vergit colorem, leprosa vel potius verrucosa, rimosa, tubercula scutellis similia,

plana nitida, nigra, albido margine cincta, per lentem nigrities derafa illata quasi videtur.

49. VERRUCARIA rufescens, leprosa tuberculis rufescen-
tibus.

H. in *rupibus calcareis.*

Obs. Elegans haec species, nec minus superiores omnes pri-
mum fese mihi in monte Streitberg (Marggraviatus Baru-
thini) obtulere. Crusta in siccitate nigricans vel cineras-
cens, tenuis, ex qua tubercula multa rufescentia et in
fulvum colorem vergentia prodeunt convessa, aciculae ca-
pitis magnitudine. Intus pallidiora et durabili natura. Ab
hac non multum ab ludit.

**50. VERRUCARIA rufo-fusca, leprosa sordide flave-
cens, tuberculis rufis.**

H. in *rupibus.*

Obs. Crusta secca vel cultro vulnerata albescens, humida ex
viridi flavefcens, granulosa, tubercula copiosa minus di-
stincta quam in priori, colore sordidiori, ab initio scu-
tellas perparvas rufescentes efformant.

T H E S S.

I.

Medicamenta odore et sapore prorsus destituta tamen efficacissima esse possunt.

II.

Vera Litbontriptica non dantur.

III.

In febribus intermittentibus adstringentia caute adhibenda.

IV.

Medicus plantarum certa notitia destitutus tuto curare nequit.

V.

Plantarum indigenarum notitia quam maxime medico commendanda.

VI.

Venena curant, esculenta conservant corpus.

VII.

Omne evacuans debilitat.

VIII.

Natura optima morborum Medicatrix.

IX.

Irritabilitas distinguenda a sensilitate et contractilitate.

X.

Pupilla quiescens dilatatur Iride contracta, et gaudet propria vita.

XI.

Bilis est Naturae alcalinae.

XII.

Fluxus haemorrhoidum est morbus, sanandus potius quam promovendus.

XIII.

Aeris genera nimium multiplicantur.

XIV.

Vita casta morborum certe non causa.

XV.

Irritabilitas morbosa nervorum sollicite in curatione a debilitate distinguenda.

XVI.

Seminum verminosum forsan extra animale corpus?

